

## დაუჯდომელი

### იტირე სულო

ლოცვითა წმიდათა მამათა ჩვენთათა, უფალო იესო ქრისტე, ღმერთო ჩვენო, შეგვიწყალენ ჩვენ. ამინ.

დიდება შენდა, ღმერთო ჩვენო, დიდება შენდა!

მეუფეო ზეცათაო, ნუგეშინისმცემელო, სულო ჭეშმარიტებისაო, რომელი ყოველგან ხარ და ყოველსავე აღავსებ მადლითა შენითა; საუნჯეო კეთილთაო, მომნიჭებელო ცხოვრებისაო, მოვედ და დაემკვიდრე ჩვენ შორის, და წმიდა მყვენ ჩვენ ყოვლისაგან ბიწისა, და აცხოვნენ, სახიერო, სულნი ჩვენნი.

წმიდაო ღმერთო, წმიდაო ძლიერო, წმიდაო უკვდავო შეგვიწყალენ ჩვენ (3-ჯერ).

დიდება მამასა და ძესა და წმიდასა სულსა, აწ და მარადის და უკუნითი უკუნისამდე, ამინ.

ყოვლადწმიდაო სამებაო, შეგვიწყალენ ჩვენ; უფალო გვიხსენ და გვილხინე ცოდვათა ჩვენთაგან: მეუფეო, შეგვიხსენე უსჯულოებანი ჩვენნი; წმიდაო, მოიხილე და განკურნენ უძლურებანი ჩვენნი, სახელისა შენისათვის.

უფალო შეგვიწყალენ (3-ჯერ).

დიდება აწ და.

მამაო ჩვენო, რომელი ხარ ცათა შინა, წმიდა იყავნ სახელი შენი, მოვედინ სუფევა შენი, იყავნ ნება შენი, ვითარცა ცათა შინა, ეგრეცა ქვეყანასა ზედა, პური ჩვენი არსობისა მომეც ჩვენ დღეს, და მომიტევენ ჩვენ თანანადებნი ჩვენნი, ვითარცა ჩვენ მიუტევებთ თანამდებთა მათ ჩვენთა, და ნუ შემიყვანებ ჩვენ განსაცდელსა, არამედ მიხსენ ჩვენ ბოროტისაგან. ამინ.

### კონდაკი 1

მეუფეო წმიდაო და უფალო, ღმერთო ჩემო, მამაო ჩუენო ზეციურო, სულგრძელო და მრავალმოწყალეო, გვედრები შენ, წინაშე ყოვლადწმიდისა ხატისა მისა შენისა, ცრემლთა მიერ სინანულისათა, და სიღრმითგან საარებულისა და მრავალთა მიერ ცოდვათა ჩემთა შემწიკულებულისა სულისა ჩემისა და გულითა მწუხარითა, შენ, უფალო, მაცხოვარო ჩემო, შემეწიე განბანად ცოდვილისა სულისა ჩემისა ცრემლითა მიერ სინანულისაშთა!

### იკოსი 1

შემოქმედო ანგელოსთაო და ყოვლისა ხილულისა და უხილავისაო, მომცემელო ჩუენდა ცხოვრებისაო, შენ შეგივრდები ლოცვითა და ვედრებითა შენდობისათვის ცოდვათა ჩემთა, ღმერთო ჩემო, ღმერთო ჩემო, შეისმინე ლოცვაი და გოდებაი სულისა ჩემისა და მიხსენ მე! დაფლულ ვარ ყოვლითურთ ცოდვათა შინა, უძლურებათა შინა მყოფ არს სული ჩემი, და გული ბოროტთა მიერ განზრახვათა სავსე არს. ვითარცა ქსელითა დედაზარდლისათა გარემოცულ არს სულთა მიერ ბოროტთა ყოველი არსებაი ჩემი. იტირე, სულო ჩემო, და ჰგოდებდე, და მწუხარებითა

ღაღად-ჰყავ უფლისა მიმართ ღმრთისა ჩემისა; ღმერთო, მაცხოვარო ჩემო, შემეწიე განზანად ცოდვილისა სულისა ჩემისა ცრემლთა მიერ სინანულისაჲთა!

## კონდაკი 2

იესო, ყოვლად-მოწყალეო, შემეწიე მე, და ღირს მყავ დაუსჯელად აღვლენად ლოცვისა ჩემისა შენდა, განახუნ ბაგენი ჩემნი, და გული ჩემი განწმინდენ ბოროტთაგან ზრახვათა, რათა სინარულითა გიღაღადებდე შენ: ალილუია.

## იკოსი 2

იესო, ძეო ღმრთისაო, შემინდევ და შემიწყალე მე უძლები ესე. იესო ძეო ღმრთისაო, შემიწყალე მე, მავალი ბნელსა შინა, და ვერ მხილველი ნათლისა ჭემმარიტებისა. იესო, მაცხოვარო ჩემი, შემიწყალე მე დამარღვეველი მცნებათა შენთა. იესო, მწყემსო ჩემო ყოვლად კეთილო მიხსენ მე, რომელმან ყოველი ცხორებაჲ ჩემი წარვაგე უდებებსა და ცოდვათა შინა. იესო, ძეო ღმრთისაო, მიხსენ მე, რამეთუ ამაოებათა შინა ქვეყნიურთასა დაინთქა სრულიად გული ჩემი. იესო, ყოვლადმოწყალეო, შემიწყალე მე, დანთქმული მზაკვართა და ბოროტთა განზრახვათა შინა. ღმერთო გულისა ჩემისაო, შეისმინე ჩემი, რომელი ვღაღადებ შენდა: ღმერთო, მაცხოვარო ჩემო, შემეწიე განზანად ცოდვილისა სულისა ჩემისა ცრემლთა მიერ სინანულისაჲთა!

## კონდაკი 3

იესო, ძეო ღმრთისაო, მიბოძე მე ძალაჲ მადლმოსილი, რაჲთა არა მეშინოდეს საქმისაგან ბოროტისა ამის ცხორებისაჲსა. სინანულითა და სიმდაბლითა მიჰყვებოდე გზასა შენსა და ვღაღადებდე შენდა მომართ: ალილუია.

## იკოსი 3

უფალო, ღმერთო ჩემო, ვუწყი, რამეთუ საქმეთა მიერ სარცხვინოთა შევამწიკულე სული ჩემი, ამაოებათა მიერ დაბნელებული. და ვითარცა ურძანე ბრძანასა აღხილვაჲ თუალთაჲ, შემეწიე მეცა აღხილვად ცოდვათაგან ჩემთა, რაჲთა ვიხილო სიბრძნე დიდებისა შენისაჲ. ღმერთო ჩემო მოწყალეო, შენ ჰრეკ კართა ზედა ტაძრისა შემწიკულეებისა გულისა ჩემისასა, შემეწიე რაჲთა განვულო იგი ხმასა შენსა განწმედად ჩემდა ცრემლთა მიერ სინანულისაჲთა. ღმერთო, მაცხოვარო ჩემო, იხილე უძლურებაჲ ჩემი და მომიტევენ ყოველი უსჯულოებაჲ ჩემი. ღმერთო, ღმერთო მაცხოვარო, მზეო წმიდაო, განმანათლებელო მოწყალეობითა შენითა ჩვენ ცოდვილთასა, შეისმინე ხმისა ჩემისაჲ, ღმერთო, მაცხოვარო ჩემო შემეწიე განზანად ცოდვილისა სულისა ჩემისა ცრემლთა მიერ სინანულისაჲთა.

## კონდაკი 4

აჰა, მოვალ შენდა იესო, ძეო ღმრთისაო და, შევრდომილი წინაშე ხატისა შენისა წმიდისა, ვადიდებ სულგრძელებასა შენსა რომელსა ჰყოფ ჩემდა მომართ ცოდვილისა, მაგალობელი შენდა გალობისა ქებისასა: ალილუია.

## იკოსი 4

ღმერთო, მამაო ჩუენო მოწყალეო, მე მხოლომან ვცოდე წინაშე შენსა, არა ღირს ვარ აღხილვად სიმაღლედ მიმართ დიდებისა შენისასა; სულო ჩემო, რაწათვის გპინავს, რაწათმის დაინთქმები ცოდვათა შინა, ღაღად-ჰყავ უფლისა მიმართ სინანულითა: ღმერთო, განმწყმიდე მე, ცოდვილი და შემიწყალე მე უსაზღურომთა მოწყალებითა შენითა. ვუწყი, უფალო, რამეთუ შეუძლებელ არს აღვლენაწ წმიდისა ლოცვისაწ წყაროწსაგან მღურისა, გარნა სულგრძელ ხარ შენ და მრავალმოწყალე, მარადის მყოფი ნათელი ჭეშმარიტი, ყოვლად ძლიერი, შემძლე ყოვლისაწ, მზე სიმაღლისაწ, განმანათლებელი ყოვლისა სოფლისაწ, და ჩუენ ცოდვილთაწ; შენ ხარ დასაბამი დაუსაბამოწ, შემოქმედი ყოვლისა არსისაწ. შენ ხარ სიბრძნე, რომელი აღავსებ სიხარულითა გულთა ჩუენტა. შეისმინე ჩემი; ვღაღადებ შენდა მომართ, უფლისა ჩემისა, და შემიწყალე მე. დღესა ამას მხიარულ ქმნილი სასოებითა მოწყალებათა მიმართ შენთა, კადნიერ ვიქმნები თხოვად შენდა: შეისმინე გლოვაწ სულისა ჩემისაწ, შენდა მომართ მღაღადებლისაწ, ღმერთო, მაცხოვარო ჩუენო, შემეწიე განზანად ცოდვილისა სულისა ჩემისა ცრემლთა მიერ სინანულისაწთა!

## კონდაკი 5

იესო, ძეო ღმრთისაო, ღირს მყავ მე შეყუარებად შენდა ყოვლითა გულითა ჩემითა, და ყოვლითა გონებითა ჩემითა, და ყოვლითა სულითა ჩემითა და განმბრძანე, რაწთა აღუასრულო ნებაწ შენი წმიდაწ თმნიერ მზაკუარებისა, რაწთა ღმობიერებითა გიგალობო შენ: ალილუია.

## იკოსი 5

ღმერთო მოწყალეო, ღირს მყავ მე გლოვად მწარედ, ცოდვათა გამო ჩემთა; მომეც მე ცრემლნი სინანულისანი, ღმერთო სულგრძელო, შეეხე საარებულსა სულსა ჩემსა, რაწთა შევინანო უსამართლობანი ჩემნი. თუალთა ჩემთა წარაგეს სიწმინდე ქალწულებრივი და დაფარულ იქმნენ წყლულებათა მიერ ცოდვათა ჩემთა. ღმერთო, შეეხე თუალთა ჩემთა, რაწთა არა ვიხილო მე ამაობანი ქუეყანისანი, ყურნი ჩემნი მწიკულევან იქმნენ სიმყრალეთა მიერ სიტყუათა კაცობრივთა უგუნურებისათა. მომივლინე მე ანგელოსი მარველი, რაწთა შეეხოს მათ და წმიდა ჰყოს იგინი, და რათა ვისმინო გმისა შენისა. იტირე, სულო, ჩემო, ცოდვათა გამო, დასასრული ცხორებისაწ მოახლებულ არს და ჟამი არს სინანულისაწ. იტირე, იტირე, იგლოვე, და ილოცე, რაწთა შეისმინოს და შეგიწყალოს შენ ღმერთმან ჩემმან სულგრძელმან და დიდადმოწყალემან. ღმერთო, მაცხოვარო ჩემო, შემეწიე განზანად ცოდვილისა სულისა ჩემისა ცრემლთა მიერ სინანულისაწთა!

## კონდაკი 6

შეცდომილ ვარ მე, ჰომო უფალო, და განვეშორე მე გზისაგან ჭეშმარიტისა, და დანთქმულ ვარ ცოდვათა შინა ჩემთა, მომივლინე მე ანგელოსი მფარველი, რაწთა მიმიძლუეს მე გზასა ცხონებისასა და გიგალობდე სიხარულითა: ალილუია.

## იკოსი 6

უფალო, იესო ქრისტე, შენ ხარ მომცემელი ჩუენდა საზრდელისა, სასუმელისა, სამოსელისა, მომცემელი კეთილგანზავებულისა ჰაერისა, უხუებით ნაყოფთა ქუეყანისათა და ჟამთა მშვიდობისათა, ხოლო მე მყოფ ვარ მზაკურებათა შინა და ამპარტავნებასა, არა მომხსენებელი მოწყალეებათა ამათ შენთა; არარა მიქმნიეს კეთილი ქუეყანასა ამას ზედა და, მოვჰკუდები რა, არცა რაისა წამლები ვარ, თვინიერ საქმეთა ჩემთა ბოროტთა, ხოლო რაოდენი შური, ცილისწამება, უსამართლობა, ნაყროვანება, მრუმება, უდებება, უსჯულოება და სხუა. და სხუა მრავალი ბოროტი ვქმენ მე ცხორებასა შინა ჩემსა, სადა არიან საქმენი შენნი კეთილნი, ჰო, სულო ჩემო? ღმერთო მაცხოვარო ჩემო, იხილე მწუხარებანი სულისა ჩემისანი და ვითარცა მამამან მიუტევა უძლებსა ძესა თვისსა ეგრეთვე შენცა, მომიტევენ ცოდვანი ჩემნი ნებსითნი და უნებლიეთნი, და ვითარცა მეძავი შეიწყალე და ავაზაკსა უკანასკნელსა ჟამსა მიუტევე, ეგრეთვე მეცა მომიტევენ და შემიწყალე შევრდომილი შენდა ცრემლთა მიერ სინანულისა, ხილვად ვერ მკადრებელი ხატისა შენისა და მდალადებელი შენდა ღმერთო, მაცხოვარო ჩემო, შემეწიე მე განზანად ცოდვილისა სულისა ჩემისა ცრემლთა მიერ სინანულისა!

## კონდაკი 7

მყოფი უდებებასა შინა და დამვიწყებელი მცნებისა შენისა, რომლითა დღე მეშვიდე ჯერ არს შეწირვად შენდა. არა მავალ ვარ ტაძარსა წმიდასა, რომელსა შინა უხილავად მყოფ ხარ შორის მლოცველთასა, უფალო ღმერთო ჩუენო, ხოლო ჟამსა ლოცვისა ჩემისასა გული ჩემი შორს იყო შენგან. სულმან ბოროტმან დამიბრძნა თუალნი ჩემნი, მწიკულევან მიყო ყურნი, და გული, და მოიცვა გონება ჩემი, იტირე! სულო ჩემო, ცოდვათა გამო ჩემთა, იტირე!

ღმერთო, უხვო სიყუარულითაო და მრავალმოწყალეო, იხილე მწუხარება სულისა ჩემისა, და მომიტევე მე ყოველნი ცოდვანი ჩემნი, და განმამტკიცე მე, და განმამბრძანე არა დავიწყებად ყოველთა მოწყალეთა შენთა, და ლოცვად შენდა გულითა წმიდითა ღირს მყავ, და ანგელოზსა მფარველსა ნუ მიმიღებ ჩემგან, რათა დამიცვას მე მანქანებათაგან ბოროტისათა, და ვადიდებდე მე სახელსა წმიდასა შენსა.

## იკოსი 7

ღმერთო, მაცხოვარო ჩემო, მკურნალო სულისა და ხორცთა ჩემთაო, შენ გვწურთნი ჩუენ, რა, ვინანდეთ ცოდვათა ჩუენტა და განვმტკიცნებოდეთ მოწყალეებათა შინა შენთა. მე ვარ ღარიბი და უპოვარი, და ენა ჩემი აღეკრა სასასა ჩემსა, გარნა ისმინე ჩემი, ყოვლადმოწყალეო ღმერთო, და მიხსენ მე განსაცდელთაგან სულისა ბოროტისა, მომიტევენ მე ბოროტებანი გულისა ჩემისანი, რამეთუ მწუხარებანი გულისანი განმიმრავლდნენ, რა, გიდადადო შენ მსგავსად მეზუერისა: ღმერთო, მოწყალე მექმენ მე, ცოდვილსა. იესო, მეო ღმრთისაო, განწმიდე და განჰკურნე სნეული სული ჩემი, მდალადებელ შენდა. ღმერთო, მაცხოვარო ჩემო, შემეწიე მე განზანად ცოდვილისა სულისა ჩემისა ცრემლთა მიერ სინანულისა!

## კონდაკი 8

ჰო, წიალო მიუწდომელო, სიმდიდრეო სიბრძნისაო და მოწყალეობისაო: რაოდენ მიუწდომელ არს, ჰო უფალო, განგებულებანი შენი, განმწმიდე ნათლითა მით

ჭემმარიტებისაჲთა მეცა, სულმოკლე და მცირედმორწმუნე, რაჲთა სიღრმისაგან სულისა ჩემისა გიგალობდე შენ: ალილუია.

## იკოსი 8

იესო, სიუხვეო სიყუარილისაო, რომელმან დაითმინე ტანჯუანი ჩუენ ცოდვილთათვის, შემიწყალე მე, რომელმან ჯუარს გაცვი შენ ცოდვათა მიერ ჩემთა. ვუწყი უფალო, მოციქულთა და წინასწარმეტყუელთა ღმრთისათა გვიჩუენეს ჩუენ გზაჲ ცხორებისაჲ. ხოლო მე ვიყავ მზაკურებასა შინა, რომელსა მაქუნდა ყურნი სმენად. არა ვისმინე... შემიწყალე მე, ღმერთო, მრავალგზის მონანული ცოდვათა გამო ჩემთა გზასა ზედა ბოროტსა, იესო, ძეო ღმრთისაო, რომელმან მომმადლენ ჩუენ სიხარული, წმიდათა საიდუმლოთა შენთა თანა ზიარ ყოფისაჲ, მომმადლე მეცა იესო, ძეო ღმრთისაო, შეისმინე ჩემი, მწუხარებასა შინა გულისა ჩემისასა მლაღადებელისა შენდა: ღმერთო, მაცხოვარო ჩემო, შემეწიე განზანად ცოდვილისა სულისა ჩემისა ცრემლთა მიერ სინანულისაჲთა!

## კონდაკი 9

უფალო, ღმერთო ჩემო, ვხედავ მე პალატსა შენსა, გარნა არა მაქუს სამოსელი წმიდაჲ, რათა შევიდე მას შინა, განმიხუენ მე კარნი სინანულისანი, ჰოჲ მაცხოვარო ჩემო, და განწმიდე სამოსელი სულისა ჩემისა ცოდვილისა და მიხსენ მე, რათა სინანულისათა გულისა ჩემისათა გიღაღადო შენ: ალილუია.

## იკოსი 9

იესო, სიხარულო ჩუენო, შემიწყალე მე; იესო, ძეო ღმრთისაო, რომელმან უჩუენე მოწაფეთა შენთა მთასა ზედა თაბორსა დიდებაჲ შენი, გამოაბრწყინვე ნათელი შენი მიუაჩრდილებელი სულსა შინა ჩემსა. მტილსა შინა გეთსემანიისასა ლოცულობდი მხურვალითა ლოცვითა, იესო ძეო ღმრთისაო, მასწავე მეცა ლოცვად, იესო ძეო ღმრთისაო, მასწავე მეცა ლოცვად შენდა. იესო, ძეო ღმრთისაო, მომმადლე მე სიმდაბლე და სარწმუნოებაჲ წმიდისა მამამთავრისა აბრაამისაჲ. იესო, ძეო ღმრთისაო, შეისმინე ხმაჲ ცოდვილისა მონისა (მხევალისა) შენისაჲ, შენდა მომართ მლაღადებელისაჲ: ღმერთო, მაცხოვარო ჩემო, შემეწიე განზანად ცოდვილისა სულისა ჩემისა ცრემლთა მიერ სინანულისაჲთა!

## კონდაკი 10

იესო, ღმერთო ჩემო, შენ აღადგინე სიკუდილისაგან მართალი ლაზარე, აღმადგინე მეცა უფსკრულთაგან ცოდვათა ჩემთასა. ვითარცა მომკუდარსა ლაზარესა უბრძანე გამოსვლად მღვიმისაგან სიკუდილისა. მიბრძანე მეცა, უფალო, გამოსვლად მღვიმისაგან ცოდვათა და უსჯულოებათა ჩემთასა, რათა გამობრწყინდეს სულსა შინა ჩემსა ნათელი ჭემმარიტებისაჲ, და გულსა შინა ჩემსა სიხარული, გიღაღადო შენ: ალილუია.

## იკოსი 10

იესო, ძეო ღმრთისაო, შენ სულგრძელსა და მრავალ-მოწყალესა შეგცოდე მე, და ბოროტებითა განვვლი ყოველსა ცხორებასა ჩემსა წინაშე შენსა. აწ მტირალი ცოდვათა გამო ჩემთა, ვითარცა წმიდანა წინასწარმეტყუელი დავითი გილადადებ შენ, მიწყალე მე, ღმერთო, დიდითა წყალობითა შენითა და მრავლითა მოწყალებითა შენითა აგოცე უსჯულოებანი ჩემნი. ვუწყი, უფალო, რამეთუ სარწმუნეობაჲ თნინიერ საქმეთაგან მკუდარ არს, ხოლო საქმენი კეთილნი არა მაქუს და სული ჩემი სავსე არს მწუხარებითა, გარნა შენ სთქუ, ვითარმედ, ნეტარ არიან მგლოვიარენი, რამეთუ ისინი ნუგეშინისცემულ იქმნენ... ღმერთო მოწყალეო, შემეწიე და მასწავე მე გლოვაჲ ცოდვათა გამო ჩემთა, და ისმინე ჩემი, მლადადებელისაჲ შენდა: ღმერთო, მაცხოვარო ჩემო, შემეწიე მე განბანად ცოდვილისა სულისა ჩემისა ცრემლთა მიერ სინანულისაჲთა!

## კონდაკი 11

უფალო, შენ სთქუ: გიყუარდეთ მტერნი თქუენი, აკურთხევდით მაწყევართა თქუენთა, კეთილსა უყოფდით მოძულეთა თქუენთა, და ილოცვიდეთ მათთნს რომელნი გამძლავრობენ და გდევნიან თქუენ, რათა იყუნეთ თქვენ ძენი მამისა თქუენისანი, რომელ არს ცათა შინა. ღმერთო, მაცხოვარო ჩემო, შემეწიე, რაჲთა მიყუარდეს მოყუასნი ჩემნი, და ყოველი რაჲცა არს სიბრძნით ქმნული ხელთა მიერ შენთა, და სიღრმისაგან სულისა ჩემისა გიგალობდე დიდებასა: ალილუია.

## იკოსი 11

იესო, ძეო ღმრთისაო, მომიტევე მე ყოველი, რაჲცა შეგცოდე სიყრმით ჩემითგან, სიტყვით თუ საქმით, ცნობით თუ უმეცრებით. უფალო, იხსენ კეთილმსახურნი და შეისმინე ჩემიცა მრავალმცოდუელისა და უღირსისა მონისა (მხევლისა) შენისა და ნუ დამაკლებ მე მოწყალებათა შენთა, სახელითა მამისაჲთა, და ძისაჲთა, და სულისა შენისა წმიდისაჲთა. იესო, ნუგეშინისმცემელო, სახიერო, შემიწყალე მე. იესო, სიხარულო ჩემო, შეისმინე ჩემი და განიხაროს გულმან ჩემმან. იესო, ძეო ღმრთისაო, ნუ მიმიღებ ანგელოზსა მფარველსა ჩემგან, და სული შენი წმიდაჲ მომივლინე მე. ღმერთო, რომელი ყოველგან ხარ და ყოველივე ძალგიძს, დააცხრე მწუხარებაჲ ჩემი და შეისმინე ხმაჲ შენდა მომართ მლადადებლისაჲ: ღმერთო, მაცხოვარო ჩემო, შემეწიე მე განბანად ცოდვილისა სულისა ჩემისა ცრემლთა მიერ სინანულისაჲთა!

## კონდაკი 12

დაფლული ცოდვათა შინა ჩემთა შეუერთდები ფერხთა შენთა წმიდათა, უფალო მლადადებელი შენდა: განმბანე მე ცრემლთა მიერ სინანულისაჲთა და განმწმიდე მე, მომეც მე სიხარული მოწყალებისა შენისაჲ და განდიდნეს გული ჩემი, მრავლითა მიერ ცოდვათაგან შემუსვრილი; გული წმიდაჲ დაჰბადე ჩემთანა, ღმერთო ჩემო, რათა სიხარულითა, სულისა მიერ წმიდისა გილადადო შენ, ალილუია.

## იკოსი 12

იესო, ძეო ღმრთისაო, მიწყალე მე, რომელმან ორგულეებასა და ამპარტავნებასა შინა გულისა ჩემისაჲსა განვვლე ყოველი ცხორებაჲ ჩემი, იესო, ძეო ღმრთისაო,

მიწყალე მე, მომკვლელი, კადნიერებასა შინა ჩემსა. ყოვლისა ნიჭისა, რომელი მომეც მე შობითგან ჩემისა. იესო, სიბრძნეო ჩუენო, შემიწყალე მე, ვერ შემცნობელი სიბრძნის შენისა, რაითა გიყუარდე შენ, და აღვიარებდე მცნებათა შენთა ნათესავთა ჩემთა და მოყუასთა ჩემთათვის. ჰო, ვითარითა ცრემლთა მიერ ჩემთა განვიბან ჭირსა და მწუხარებასა გულისა ჩემისასა; ჰო, უფალო, ვითარცა ისმენ შენ ლოცვასა მონანულთა ცოდვილთასა, შეისმინე ჩემიცა, რომელი მწუხარებათა შინა გულისა ჩემისასა ვლადადებ შენდა: ღმერთო, მცხოვარო ჩემო, შემეწიე მე განბანად ცოდვილისა სულისა ჩემისა ცრემლთა მიერ სინანულისაითა!

### **კონდაკი 13**

უფალო ღმერთო ჩემო, მაცხოვარო სულისა ჩემისაო, შენ მომანიჭე მე დასაბამი ცხორებისა, რათა სიხარულითა და წმიდითა გულითა ვყოფდე წმიდასა ნებასა შენსა, გრნა მე სიყრმით ჩემითგან ყოვლითა ცოდვითა გარდავჰხედ გზისაგან ჭეშმარიტისა და ვითარცა ცხოვარი წარწყმედული ვვალ მწუხარებასა შინა. დღესა ამას მგლოვიარითა გულითა შეუვრდები წმიდათა ფერხთა შენთა და გილადადებ შენ: ღმერთო ჩემო, ღმერთო ჩემო, შეისმინე და ნუ უგულვებელს-ჰყოფ ლოცვათა ჩემთა და შემინდევ მე უძლურებანი სულისა ჩემისანი; განმაბრძნე, ჰო უფალო, შეცნობად სიბრძნისა შენისა წმიდისა და სარწმუნოებასა შინა შენსა წმიდისა განმამტკიცე მე მცირედმორწმუნე და უკეთური; ღირს მყავ გულისხმისყოფად მცნებათა შენთასა ყოვლითა გულითა, და ყოვლითა სულითა ჩემითა, და თვინიერ ორგულებისა აღვასრულო იგინი, და ვჰყო ნება შენი წმიდა, ნუ მისდრეკ გულსა ჩემსა სიტყუათა მიმართ და განზრახუათა ბოროტისათა, და განმბრძანე მე ხილვად და არა დავიწყებად. ყოველთა შეცოდებათა ჩემთა, და ყოველთა ნიჭთა შენთა. აკურთხე შრომა ჩემი და მწუხარებანი დაშრომილთა დღეთა ჩემთანი, დაცვად გულისა ჩემისა, და გარდამომივლინე მაღლი სულისა შენისა წმიდისა რათა ნუგეშინისცემულ ვიქმნე, და განიმართოს ცოდუათა და მწუხარებათაგან დადრეკილი სული ჩემი, და ღმობიერითა გულითა გილადადო შენ: ალილუია.

### **იკოსი 13**

სულო ჩემო, იტირე და იგლოვე ცოდვათა გამო, რათა განიბანო ცრემლთა მიერ სინანულისაითა შემიწყალე მე, იესო ქრისტე, ღმერთო ჩუენო, რომელი ყოველგან ხარ და ყოველივე ძალგიძს, დიდითა წყალობითა შენითა. მიწყალე მე ღმერთო, მიწყალე მე, რამეთუ შენ ხარ ღმერთი ჩვენი და ჩვენ ერნი შენნი: ალილუია, ალილუია, ალილუია.

(ამას მუხლმოდრეკით ვიტყვით სამგზის, შემდგომ 1 იკოსსა და 1 კონდაკს).

### **ლოცვა მუხლმოდრეკით სათქმელი**

ღმერთო, მაცხოვარო ჩემო, შენ ხარ წყარო ცხორებისა და უკუდავებისა, შენ შემიყუარენ ჩუენ, უწინარეს ჩემისა არსებად მოყუანებისა დიდითა ღვთაებრივითა სიყუარულითა შენითა. უფალმან ჩვენმან იესო ქრისტემან შესწირა თავი თვისი, თავს იდვა ტანჯუანი ჯუარცმითა და დასთხია სისხლი თვისი წმიდა ცოდვათათვის სოფლისა. ღმერთო, მამაო ჩვენო მოწყალეო, ღირს ჰყავ ყოველნი და მეცა შეცნობად და

არ დავიწყებად საიდუმლომისა ამის დიდისა სიყუარულისა შენისა, და მხოლოდშობილისა ძისა შენისა. ჰო, რაოდენგზის შეურაცხ-გყავ და განმამწარე შენ, უფალო ჩემო, საძაგელთაგან საქმეთა და განზრახუათა ჩემთა; ბოროტებათა შინა ჩემთა არა მოვიხსენებდი მოწყალეებათა და წყალობათა შენთა ჩემდა მომართ ქმნულთა. მე შთაფლულ ვარ ცოდვათა შინა, ხოლო შენ ყოველსა ჟამსა მომანიჭებ შენსა მოწყალეებასა: პურსა, წყალსა, ნაყოფთა, ჰაერსა კეთილშეზავებულსა, სითბოსა და სიხარულსა გულისასა, ხოლო ოდეს შემუსვრილი სული ჩემი აღიწვევის შენდა მომართ, ოდეს ცოდვათაგან ვიძლევი მე ვითარცა ღელვათა ზღვისათა, ვისლა შეუვრდე? ჰო უფალო, ვის შევღადადო? ვისა მიმართ წავმართო მზერა ჩემი და ლოცვა ცოდვათა გამო ჩემთა? უკეთუ არა შენდა მომართ, უფალო ღმერთო ჩემო; კუალად ვეცემი, გარნა ნუ უგულვებელს-ჰყოფ უძლურებათა გამო სულსა ჩემსა მონანულსა, და მარადის ცოდვათა შინა მყოფსა. ჰო, უფალო, უფალო, ვითარითა ცრემლთა მიერ მადლობასა აღვივლენ შენ მოწყალეებათა გამო, ვითარსა ქებასა გიგალობ შენ. შენ ხარ ცხორება ჩემი, სიხარული და მარადის სიყუარული ჩემი, ხოლო ოდეს განგეშორები შენ, ბნელი მომიცავს მე, და მწუხარება სიკუდილისა მიმწევნელი აღავსებს გულსა ჩემსა, და მწუხარებს სული ჩემი. ღმერთო, მაცხოვარო ჩემო! იესო, ძეო ღმრთისაო, ღირს მყავ კუალადვე შეცნობად წმიდისა შენისა სიყუარულისა და გარდამომივლინე მე მადლი სულისა შენისა წმიდისა, რათა დამადგინოს მე მცირედმორწმუნე და სულმოკლე გზასა ზედა ცხონებისასა: მასწავლე მე, ცოდვილსა, სიმდაბლითა და სიყუარულითა ქმნად ნებისა შენისა, და დასწვი ცეცხლსა შინა სულგრძელებისასა ბოროტნი განზრახუანი ჩემნი, და ვითარცა რკინა ბრძმედსა შინა გამოახურვე გული ჩემი, და განაახლე, და განწმიდე იგი ცოდუათაგან ჩემთა, რათა სიხარულითა გიგალობო შენ: ალილუია, ალილუია, ალილუია.